

嘉興府志卷三十一

嘉興府知府 伊湯安 重輯

武備

嘉興境處平行與湖泖隣錯非分汛列戍其何以戒不虞

聖朝損益往制營伍悉飭而東南之澉乍二浦為海洋門戶尤宜慎固封守易曰澤上於地萃君子以除戎器則設重兵以阨海疆詎宜以承平而忽諸志武備

漢

高祖置材官於郡國武帝平百粵內增七校外有樓船皆

嘉興府志

卷三十一 武備

歲時講肄修武備

漢書刑法志

海鹽於漢屬會稽郡有樓船

守尉都試令丞尉亦各統其縣以時肄習後陽嘉中又

詔緣海益屯兵備盜賊海上之有戍自漢始也

海鹽圖經

唐

開元五年刺史張廷珪奏置海鹽縣澉浦鎮天寶十載太

守趙居貞奏置海鹽縣寧海鎮

吳郡志 海鹽圖經唐制上鎮防兵五百中下

遞減各設將副一人

宋

開禧元年置澉浦水軍

宋史寧宗紀

澉浦水軍分戍白塔潭乍

浦亦置水軍皆設統制領之

澉浦志

元

元設嘉興路總管軍上萬戶府建兩翼千百戶鎮撫官又

置兵馬司治城內兼巡徼之事

舊浙江通志

明

正軍有二曰嘉興守禦千戶所曰海寧衛嘉興所設於郡

舊城內隸蘇州衛正千戶四員副千戶一員所鎮撫一員

百戶一員每百戶所總旗二名小旗十名軍人一百名

通共旗軍一千一百二十名海寧衛設於海鹽隸浙江

都指揮使司統左右中前後五千戶所遙統澈浦乍浦

二千戶以海鹽為防海要地故也正統間設把總一員

嘉興府志

卷三十一

武備

二

以統衛所銜曰備倭嘉靖三十六年又加欽依以都指揮體統行事

宣德初設八巡檢司每司官一員在秀水曰王江涇杉青

間在崇德曰皂林在嘉善曰魏塘以內地各弓兵三十

名在海鹽曰海口鎮曰澈浦在平湖曰白沙灣曰乍浦

以沿海各弓兵七十名

正德六年江西寇作奉詔僉練民壯守禦每縣千餘人十

三年減為六百餘人十六年定為每里一人嘉興縣三

百一十六名秀水縣二百三十五名嘉善縣二百名海

鹽縣一百六十一名平湖縣一百六十名崇德縣三百

二十名桐鄉縣二百七十名隨正軍操演保障城邑
嘉靖中倭寇猝發設參將一員駐劄乍浦兵備一員駐劄
郡城召募土著民兵五千名分列水陸五營巡警以舊
演武場地隘不便操練改建城北郊外百步橋南廣袤
三倍於昔又謂禦賊於城下莫若遏之於遠郊俟其登
陸而格鬪莫若拒之於水次復築秦臺於石塘灣魏漢
二臺於會龍橋左右唐晉宋三臺於百步橋仍於嘉秀
二縣每里僉取鄉兵一名共五百八十一名撥守六臺
海石城外亦各置敵臺二座俱據險扼要至隆慶元年
地方寧謐欽依裁革軍務事宜俱分巡檢事兼理仍駐

郡城三年因錢糧匱乏革民兵三營在於海寧衛并澈
乍七所軍兵挑選足數左營防守海鹽右營防守澈浦
前營防守乍浦後營防守嘉興遇汛月協守海濱汛畢
退守嘉興各總以海寧衛指揮統領哨官以各所百戶
統領哨軍工食于軍儲倉本所按月關支

水兵之制洪武中六縣無設惟海鹽備倭置船瞭望巡守
永樂七年立水寨于沈家門盡攝軍船赴之倭寇縱掠
以遠不及救援浙江布政周幹以聞請復洪武故事從
之正統十四年革出海五百料金字號戰船七十二隻
改立寨堡千戶所設備倭船十隻每一百戶船一隻每

一衛五所共船五十隻每船旗軍一百名春夏出哨秋冬回守月支行糧四斗嘉靖中裁減末年倭入無船爲禦募蒼山福清等船哨守三十六年設海鹽澈乍三關水寨兵船七十八隻立把總三員哨官十員正副捕舵繚椗梢手散兵共二千餘名工食在于各縣田地山蕩起科解府發縣分給隆慶三年裁海澈二關畱乍浦一關兵船五十餘隻各兵餉隸平湖縣散給郡城五營民兵守臺鄉兵以漸裁革止存召募兵三營抽選海寧衛所軍兵二營每營設隊什長俱屬兵備及參將統調內中營官兵專守府城春汛調發防海後復議兵巡道標

下額設中軍督陣把總官一員領健步二十名吹鼓手二十名隆慶六年內河鹽賊竊發又議造叭喇唬船一十四隻共募捕兵二百二十四名巡緝裏河鹽盜

以上劉志

洪武三年李文忠奏置浙江七衛一曰海寧衛

續文獻通考浙江

通志沿海特設海寧衛領乍浦澈浦二所隸海寧備倭把總統轄洪武十七年建在海鹽縣治西去海半里乃嘉湖二郡之屏蔽南澈北乍各相去四十里指揮以下等官六十員旗軍一

千四十九名轄寨二曰北鋪曰藍田

藍田浦在海鹽縣南三里臺六

曰南臺去衛六里曰麥莊涇曰朱公亭曰北臺曰九里亭曰

三間亭烽墩一曰藍田巡檢司一曰海口鎮巡司弓兵

七十名

浙江通志原注在海鹽縣東北一十八里唐時于縣東一里置寧海鎮元置海沙巡司明初

因之在縣東門外洪武十九年徙此地名沙腰村
海鹽縣圖經衛置指揮使一人同知二人僉事四人鎮撫
二人左右中前後所各正千戶一人副千戶一人鎮撫
一人管軍百戶二十人又轄總旗二人小旗十人軍百
人衛隸浙江都指揮使司以內隸于左軍都督
府凡官一百二十七人旗軍一萬三百二人

海寧衛屯所九處以八百戶零一小旗領之共官九員旗

軍九百六名派種到海鹽縣三等都田地一百七
頃二十五畝五分歲收子粒不等 澈浦

屯所一處在城外西北五里係十二等都以一百戶領

之計旗軍一百一十二名派種到海鹽縣田地一十三
頃二十六畝歲收子粒不等

乍浦屯所二處並在城北一十六里今係平湖縣齊景

鄉二十二都以二百戶領之計旗軍二百二十四名派種

到本縣田地二十六頃五劉志嘉興所屯所一十處案嘉興

嘉興府志

卷三十一

武備

五

縣長水鄉二十一都田一十頃八十八畝百戶康泰管
領屯田八十名白芻一十五都田一十一頃六畝百戶
羅雄管領屯軍九十名長水鄉二十一都田一十一頃
八畝百戶曾貴管領屯軍九十名秀水縣零宿鄉二十
三都田一十頃八十六畝百戶王暹管領屯軍九十名
復禮二十九都田一十一頃六畝百戶鄧春管領屯軍
九十名象賢鄉二十二都田一十一頃一十畝百戶鄧
禮管領屯軍九十名復禮二十九都田一十一頃八畝
百戶劉顯管領屯軍九十名嘉善縣遷善鄉三十四都
田一十一頃百戶高安管領屯軍九十名遷善鄉三十
四都田一十一頃百戶范信管領屯軍九十名麟瑞鄉
三十五都田一頃九十三畝百戶劉保管領屯軍九十
名

海寧衛烽墩六 日麥莊涇日中寨日九里 山寨一十三 日東

轉塘日朱公亭日第二寨日頭寨日南寨日北寨日三

大寨日藍 瞭望臺二 日南臺 澈浦烽墩五 日秦駐山日

田小寨 日北臺

曰西山寨一十四曰南石山曰秦駐山曰東鹽圃曰西鹽圃曰青山曰牆山曰鹽場東中日
曰廟山平洋曰牆山東嘴曰牆山西嘴曰南門水開曰混水開曰葫蘆灣曰南湖塘
曰觀山曰陳寨一十三曰東山嘴曰高家灣曰西海口
山曰高公山曰聖妃宮曰東山曰金家灣曰
蒲山大寨曰蒲山外寨曰蒲山西寨曰鹽山
曰獨樹東寨曰獨樹西寨曰周涇劉志

乍浦鎮在平湖縣東南三十里舊在縣西南二十七里吳

越設鎮遏使南宋置水軍設統制領之元置市舶司明

洪武十四年自澈邑城徙巡司于此改乍浦所十九年

移于東南改建千戶二十六年增置水寨為海道三關

之一隆慶三年革海口澈浦二關止畱乍浦一關轄白

塔港西海口許山羊山四哨大清一統志本所千戶等官二

十四員旗軍八百六十名轄寨七曰獨樹林曰梁莊大

寨曰梁莊舊寨曰長沙灣曰蒲山外寨蒲山在平湖縣東南三十里濱

海曰金家灣曰唐家灣臺七曰獨樹林曰益山曰西山

嘴曰蒲西山曰聖妃宮曰惹山惹山即雅山平湖縣東南十七里曰東

山嘴烽墩三曰陳山平湖縣東三十里曰高公山在陳山南一里曰觀

山平湖縣東南二十八里巡檢司二曰乍浦巡司弓兵七十名在

湖縣東南三十六里曰白沙灣巡司弓兵七十名浙江通志

澈浦鎮在海鹽縣東南一十八里宋置鎮在縣南三十六

里明初置巡司後改建澈浦守禦千戶大清一統志本所千

戶等官二十二員旗軍五百二十名轄寨四曰西山嘴

日南海口在海鹽縣南離海半里日混水閘日葫蘆灣

葫蘆山臺一日東園烽堠五日青山在澉浦鎮東三里日西山

日秦駐日牆山長牆山在鎮東三里日廟山鎮北巡檢

司一日澉浦巡司弓名七十名浙江通志原注在海鹽縣東北十八里秦駐

山北初在澉鎮洪武中徙此海鹽圖經澉浦守禦千戶

所在澉浦鎮縣德政縣鄉之海岸正于戶一人副二人

鎮撫一人管軍百戶二十人人轄旗軍如衛制

嘉靖三十六年設海鹽澉浦乍浦三關水寨兵船七十八

隻立把總三員哨官十員正副捕舵繚旋梢手散夫共

二千餘名船有福蒼小哨叭喇烏八槳等項名色福船

捕兵五十名蒼船捕兵三十名小哨捕兵二十名叭喇

烏八槳船捕兵各一十名在乍浦者船泊西海口在海

鹽者泊白塔港在澉浦者泊黃道廟遇汛月輪番出哨

羊許山等處浙東兵船會哨如遇有警合艚截殺汛軍

各守本關海鹽仇志

海寧把總統水兵三枝駐劄海寧衛隸分守杭嘉湖參將

羊山游哨本總督同總哨官一員部領大小戰船二

十隻兵四百一十四名汛期泊南羊山聖姑礁東哨至

徐公上下川馬蹟等洋馬蹟徐公上川下川四山並在羊山東與定海總

兵官會哨南至大羊山沙塘畧衢山鼠狼湖等洋與定

海總北哨官兵會哨西哨至灘許與游哨官兵會哨北

哨至小羊山大小七山蘇州洋茅草洋與吳淞官兵會

哨許山哨總哨官一員部領大小戰船二十隻兵三

百七十五名汛期泊許山東哨至大小七山蘇州茅草

等洋大七山小七山並在羊山東北與直隸官兵會哨南哨至大羊山

沙塘畧東嶽嘴與定海總北左哨官兵會哨西哨至北

漁山與臨觀總後哨官兵會哨北哨至白塔港白塔山在海鹽

縣東南二十里海中有港通魯浦名曰白塔潭海舟多泊焉與本關官兵會哨乍

浦守關總哨官一員部領大小戰船一十八隻兵四百

八十八名泊守乍浦西海口外東哨至金山西哨至海

鹽澉浦海寧等處海洋浙江通志

嘉興府志

卷三十一

武備

八

杭嘉湖參將嘉靖三十八年增設統陸兵四總前營後營左營右營

水兵一枝游哨駐劄海鹽縣海寧一總屬其調度前營

名色把總一員部領哨官四員兵四百三十七名屯劄

乍浦所城汛期劄守乍浦梁莊東哨至大營盤地方與

南直隸金山參將標兵會哨西哨至乍浦牛橋地方與

後營官兵會哨後營官兵同前營屯劄海鹽汛期劄守乍

浦海口東哨至牛橋地方與前營官兵會哨西哨至海

鹽白馬廟地方在海鹽縣北一十八里沙腰村與左營官兵會哨左

營官兵同前營屯劄海鹽縣城汛期劄守東門一帶東哨至

白馬廟地方與後營官兵會哨西哨至秦駐山地方與

右營官兵會哨 右營官兵同前營屯劄澈浦所城汛期劄

三 守南海口東哨至秦駐山地方與左營官兵會哨西哨

至海寧黃灣與海寧所官兵會哨 游哨中軍名色把

總一員部領大小戰船一十九隻兵二百五十九名汛

期隨參將駐白塔山海港巡哨灘許羊山等洋策應督

察各游哨兵船浙江通志海鹽陸兵五營分爲左右中前後

五 左守海鹽前守澈浦中後守乍浦每營把總一員

隊長一十五名什長四十五名正兵四百五十名火兵

四十五名雜流五十五名柳志 明王樵構李記浙江

設而温台寧紹杭嘉邊海之郡各設兵備杭嘉湖兵備

嘉興府志 卷三十一 武備 九

哨羊山海洋則兵備參將並駐乍浦陸兵一營兵備標

把總一員統之一泊澈浦黃道廟謂之上關一泊海鹽

白塔港謂之中關一泊乍浦西海口謂之下關大小汛

期輪撥兵船遠出羊山許山與浙東臨定直隸吳淞兵

船會哨澈浦在海鹽之西宋元時通番船之處城周九

里有餘軍民雜居不及三之一人少不足以實城春汛

時巡撫發標兵一枝以協守且備東西應援秦駐山距

澈浦海鹽各十八里與浙東臨觀相對白塔山大步山

左右環拱巒內宛轉可避風濤海鹽居中兩浦爲左右

翼乃構李之屏蔽也自倭亂平三關改爲四哨白塔港

爲一哨兵船九艘哨官一人領之乍浦爲一哨兵船八

艘參將中軍把總領之許山爲第二層門戶立爲一哨

用蒼船二艘沙船小哨船八哨船其十六艘水兵把

總一員領之以羊山爲第一層門戶立爲一哨用船如

許山之數以備倭把總親督領之欲錢唐無虞當守附

海之三關欲三關有備先防大海之羊許但羊山去許

山一潮許山去乍浦一潮緩急難相應援且蒼船二艘

兵夫僅六十二人沙船四艘兵夫僅百人小哨等船兵

夫共百九十八人以孤踪守此恐瞭望不及備禦不敷倘

海賊有不由羊山徑入內洋者則首尾不相顧矣隆慶元年有胡參將者汎夜巡城忽見外洋大船無數此時守羊許者固不知也倭船入寇必至下八山分艘若東北風猛則向馬蹟西南行過韭山以犯閩廣若東南風猛則向殿前羊山過淡水門以犯浙江而羊山正浙直交界之處兩處兵船會哨于此倭奴因糧於我每人止帶淡水數筋乾糧數升若絕其汲道堅壁清野無所掠其計自窮矣海東之國日本爲大五畿七道固彼後言然漢史已云百餘國矣豈古分而後併歟然雖聞有王亦不能統一其衆貢者其名市者其實寇則無常視吾有間無間耳亦多吾人誘之無接濟不來也嘉興水兵以喇唬船一十四艘民壯兵二百餘名於嘉興裏河巡緝鹽盜汎期調發西海口白塔港以備遏擊之用汎畢掣回仍舊巡緝鹽盜杭嘉湖三郡河港四通鹽盜不時出沒前船徒有巡緝之名多分散各處虛應故事一遇賊勢重大便稱衆寡難敵予至則不許分散督令各艘定與信地某日起某日止兵分一正一奇出哨還日面詢有無盜賊曾否擒獲皆不能隱自此屢有擒獲乃知盜賊是惟不緝緝則無日不有緝惟不嚴嚴則何盜不靖閭

嘉興府志

卷三十一

武備

十

閭被劫止因保伍不嚴保伍若嚴盜無着蹟之處彼欲劫一家謀非一旦探聽蹟踏潛伏脫退皆有處所此有可入故彼能來旣不能察之于先及盜已入門而四隣不知知亦不救使盜得以肆劫而去進退無虞若使一家有事比家皆聲鑼衆巷皆應之比門壯丁執械而俟盜敢近乎予在構李申嚴此台境內頗靖沿海衛所專爲備倭例不運糧自指揮莊端謀領杭州衛運船四十八艘彼時猶承平無事嘉靖三十二年倭船四十二艘突犯海鹽龍王塘攻城幾破巡撫乃查復舊制至隆慶二年腹裏湖州所復撥與本衛一十二艘近日指揮姚馨以爲言巡按蕭公一時未察未及正也各處水陸要害之處設敵臺所費不貲誠以事關防守而事寧之後上下全不經心多就廢壞予嘗理會及之尋以遷官不及竟也

兵防經制

順治七年經制嘉興額設副將一員都司三

員守備三員千總六員把總十二員兵二千五百名馬

二百五十二匹船隻無六年奉調征兩廣兵五百名募

補二百五十名止裁兵二百五十名并裁都司一員千
總一員把總二員七年裁都司一員守備一員千總二
員把總四員兵六百五十名九年調赴江西兵四百名
十年又調兵五百名赴廣東十一年裁副將改設遊擊
一員增千總一員把總二員仍募兵五百名十二年奉
文遊擊移駐海鹽標下兩營守備二員左營駐防郡城
右營駐防乍浦其餘千把各官分防七邑市鎮又巡撫
題增兵丁一千二百名共額一千九百名戰馬八十匹
十四年奉文增兵七百名收道標快唬船十四隻康熙
二年調入督標兵一百名三年題定額設船三十隻號

爲快唬船交營巡緝五年調千總一員領兵一百七十
名補入太湖營八年改定遊擊駐劄海鹽統轄標下兩
營守備一駐防郡城一分防乍浦管轄海口派定千把
二員共領目兵六百三十名分汛防守十一年奉文裁
兵一百六十一名十三年奉文增兵三十一名二十一
年奉文裁戰兵二十五名守兵二十五名歸入撫標又
奉裁十三年所增三十一名三十五年裁改戰兵三十
名守兵十名五十年間總督范時崇題改遊擊爲副將
駐劄郡城彈壓七邑移中軍守備于海鹽更定營制五
十六年間總督滿保閱視沿海事宜請增築乍浦天妃

官西山嘴等處砲臺雍正五年添設外委千總四員外
委把總七員又扣存公糧守餉二十七分爲公費之用
七年奉裁嚴協右營都司一員添設本協中軍都司一
員駐劄府城中軍守備改爲左營守備一應兵馬錢糧
軍火甲械等項俱係中軍都司專管兩營守備協同辦
理又奉裁浙省京撥兵丁嘉興協添撥八十名內除本
協原設京撥兵九名外實添戰兵二十一名守兵五十
名現在實共兵一千四百五十名十一年奉文將本協
原設快唬船三十隻內畱十隻外將二十隻改爲大巡
船二十隻小巡船二十隻共大小巡船五十隻分防各

汛巡緝乾隆八年奉文各官隨丁名糧改爲養廉本協
副將三十分都司十分守備八分千總五分把總各四
分外委各一分共支養廉一百十四分內馬餉三十三
分戰餉二十四分守餉五十七分十四年添建五河涇
洲泉鎮楓德港石滙十字溪五口址并添設小巡船五
隻分派五口巡防十六年奉文原扣公糧二十七分不
敷公用續添公糧一十三分實共扣守餉四十分二十
七年添設額此外委五員四十七年裁除各官養廉名
糧改爲養廉銀兩裁除公糧改爲公費銀兩俱募補實
兵裁除馬戰守養廉名糧一百十四分添設步戰兵一

百名現在實其馬步戰守兵丁一千三百九十六名新纂

參吳志

嘉興協現在營制 嘉興協副將一員駐劄嘉興府 中軍都司

一員左營守備一員駐劄海鹽縣 千總一員把總四員右營

守備一員駐劄乍浦 千總二員把總四員大清會典

額設馬步戰守兵丁一千三百七十九名內有馬戰兵

一百四十二名無馬戰兵二百四十三名守兵九百四

十四名浙江通志 兵共一千三百九十六名內有馬戰兵一

百九名左營五十六名右營五十三名 無馬戰兵三百四十名左營一百七十一

名右營一守兵九百四十七名左營四百七十二名右營四百七十五名 新

嘉興府志

卷三十一 武備

纂

各官坐馬自備兵丁官給馬五十四匹浙江通志 馬共一百五

十五匹內各官自備坐馬四十六匹兵丁官給馬一百

九匹新纂 左營五十六匹右營五十三匹

嘉協快哨船共三十隻浙江通志 原注雍正八年奉

十隻改造中樣巡船二十隻 大小巡船共五十五隻內快哨

船一十隻大巡船二十隻小巡船二十五隻新纂 巡

右營派 配巡緝

現存紅衣砲四十三位內安設海平二縣砲臺汛口二十三位 海鹽乍浦城十五位存

營二 銅砲一位存 鐵砲五十五位內安設海平二縣砲臺汛口二十位 澈浦

乍浦城十五位 存營二十位 蕩寇小砲八十四桿 俱給兵操演 浙江通志

嘉興府城紅衣砲十二位 分貯四門城樓 鐵砲八位 馬蹄

砲三位 百子砲二十位 子母砲八位 銅百子砲

三位 銅砲一位

海鹽汛紅衣砲十六位 大馬蹄砲三位

澈浦汛紅衣砲七位 鐵砲三位 大馬蹄砲三位

石門汛大馬蹄砲三位

乍浦汛紅衣砲八位 鐵砲十六位 大馬蹄砲三位

平湖汛紅衣砲三位 鐵砲八位

王江涇汛大馬蹄砲三位 新纂 案桐鄉濮院新城嘉善嘉興諸汛並無砲位安設

嘉興府志

卷三十一

武備

十四

府城演武場 向在望吳門外二里逼近城隍遷于杉青

關之北以便操演 新纂 基地二頃三十畝七分零坐永一都 府治西北廣

平橋南舊有廢察院行臺其南即副總衙署今營兵習

射于此名內教場 浙江通志 雍正七年知府閣堯熙于杉青

間演武場建廳三間捲軒三間退廳一間鼓亭二座旗

臺一座照牆一座圍牆一帶側房三間 新纂

嘉善縣演武場 縣東門外三里演武場廳明正德七年

知縣王德明建

海鹽縣演武場 南門外周二百五十一丈 以上海寧衛

演武場在北城外週圍三百二十五丈將臺一座澈浦

所演武場在城外東南週二百五十丈七尺將臺一座
海鹽圖經

平湖縣演武場 南門外明宣德間設東西週二十五丈

南北深六十七丈嘉靖四十二年知縣顧廷對建演武

廳三間 平湖程志 久圯

石門縣演武場 崇德寺後演武場廳明正德初建嘉靖

中因置阜林驛移城內

桐鄉縣演武場 治東南二里 以上吳志

案杉青開教場之建始于明嘉靖間築敵樓備倭即其
下為演武之所今基地如故歲時提鎮至禾每于杉青
開閱兵至平日操練在城南隅故有內教場外教場
之目又各縣教場無甚改易第依前志存其畧云

嘉興府志

卷三十一

武備

五

駐防嘉興府城副將一員中軍都司一員 舊設中營都司
僉書等順治七

年裁十一年又裁左右營都司僉書各一員雍正
七年添設中軍都司一員係嚴協右營都司裁補 千總
一員把總一員馬步兵丁共四百三十二名快唬船五

隻 浙江通志

副將一員 都司一員 左營 千總一員 右營 把總一員

外委二員 左營一 右營一 馬步戰守兵丁四百四十三名

內 左營 馬兵十名 戰兵七十三名 守兵七十八名

兵丁官給馬十四 快唬船二隻 中巡船四隻 右營

馬兵二十八名 戰兵一百一十一名 守兵一百三十

八名 兵丁官給馬二十八匹 快唬船三隻 中巡

船四隻 小巡船五隻

三塔守兵五名新纂

駐防海鹽縣城左營守備一員

康熙五十年奉文移駐

馬步兵丁共

一百七十五名快唬船三隻臺寨九座

浙江通志

守備一員馬步戰守兵丁一百五十八名內守城馬兵二

十名 戰兵四十五名 守兵二十三名 兵丁官給

馬三十匹 快唬船二隻 中巡船一隻 小巡船一

隻 守汛落水寨守兵五名 大寨守兵五名 二寨守

兵五名 三澗寨守兵五名 秦山寨守兵五名 大

步門寨守兵五名 姚官寨守兵五名 黃泥寨守兵

五名 青山寨守兵五名 救海廟馬兵十名戰兵七

嘉興府志

卷三十一

武備

六

名守兵三名 半邏戰兵二名守兵三名

新纂

駐防乍浦所城右營守備一員千總一員

康熙五十七年將斜塘汛千總

一員兵丁二十名歸入乍浦營額內分防西山馬步兵

丁共二百一十三名快唬船二隻

浙江通志 原注向設臺寨一十九座康

熙五十六年閩浙總督覺羅滿保閱視沿海事宜題請增築乍浦天妃宮西山嘴等處砲臺撥兵守禦

守備一員 駐劄乍浦所城 馬步戰守兵丁一百四十名內守城

馬兵一十四名 戰兵二十四名 守兵一十九名

兵丁官給馬一十四匹 快唬船一隻 中巡船一隻

小巡船一隻

守汛九里墩守兵五名 朱公亭守兵

五名 白馬廟守兵五名 麥莊涇守兵五名 惹山

寨戰兵四名 湯山寨守兵三名 觀山寨守兵三名
唐家灣寨守兵三名 長山寨守兵三名 東山寨
守兵三名 陳山寨守兵三名 金家灣戰兵四名守
兵六名 暈頂山寨守兵三名 高公山寨守兵三名
澈浦寨守兵三名 珠冠寨守兵三名 益山寨守
兵五名 梁莊寨守兵五名新纂

分防澈浦所城把總一員馬步兵丁共一百名快唬船一

隻臺寨九座浙江通志

千總一員駐劄澈浦所城外委一員分防沈蕩鎮馬步戰守兵丁八

十九名內守城馬兵四名 戰兵六名 守兵二十名

嘉興府志

卷三十一

武備

七

兵丁官給馬六匹 大巡船一隻 小巡船一隻守汛

東拱寨守兵四名 平陽寨守兵三名 西山角兼防

黃道關馬兵二名戰兵八名守兵二十名 總寨守兵

五名 渾山寨守兵三名 大葫蘆寨守兵三名 小

葫蘆寨守兵三名 廟山寨守兵三名 沈蕩鎮戰兵

一名守兵四名新纂

分防石門縣城千總一員馬步兵丁共一百一十名快唬

船四隻浙江通志

把總一員駐劄石門縣城外委一員分防石門鎮 馬步戰守兵丁

一百三名內守城馬兵四名 戰兵四名 守兵五十四

名 兵丁官給馬四匹 快唬船一隻 中巡船一隻

小巡船五隻 守 汛石門鎮戰兵二名守兵四名 南

高橋戰兵一名守兵四名 羔羊亭戰兵一名守兵四

名 何家橋戰兵三名守兵七名 松老橋守兵五名

泄泉鎮守兵五名 新纂

分防桐鄉縣城把總一員馬步兵丁共七十六名快唬船

二隻 浙江通志

把總一員 駐劄桐鄉縣城外委一員 分防青鎮馬步戰守兵丁共七

十九名內 守城馬兵一名 戰兵四名 守兵四十三名

兵丁官給馬一匹 中巡船一隻 小巡船三隻

嘉興府志

卷三十一

武備

六

守 汛妙智守兵五名 毛家渡守兵五名 秀溪橋戰兵

三名守兵六名 錢店渡守兵五名 楓德港守兵四

名 青鎮守兵四名 新纂

分防濮院汛把總一員馬步兵丁共六十六名快唬船三

隻 浙江通志

濮院汛轄嘉秀桐三縣把總一員 駐劄濮院鎮屬桐鄉境外委一

員 分防王店鎮屬嘉興境馬步戰守兵丁六十九名內 守 汛馬兵三

名 戰兵五名 守兵三十二名 兵丁官給馬三匹

中巡船一隻 小巡船二隻 莫家涇守兵五名

陡門馬兵一名守兵九名 正家橋守兵五名 王店

鎮戰兵二名守兵七名新纂

分防新城汛把總一員馬步兵丁共四十名快唬船一隻

浙江通志

把總一員駐劄新城鎮外委一員駐劄九里滙馬步戰守兵丁三

十四名內守汛馬兵一名戰兵四名守兵二十三名

兵丁官給馬一匹中巡船一隻小巡船一隻

石滙守兵四名十字溪守兵四名九里滙守兵三

名新纂

分防平湖縣城把總一員馬步兵丁共九十九名快唬船三

隻臺寨二座浙江通志今添築獨山寨砲臺一座撥兵守禦

嘉興府志 卷三十一 武備 十九

千總一員駐劄平湖縣城外委一員分防新帶鎮馬步戰守兵丁八

十九名內守城馬兵三名戰兵十名守兵五十六名

兵丁官給馬三匹中巡船二隻小巡船一隻

守汛獨山寨戰兵二名守兵八名茅竹寨守兵五名

新帶鎮守兵五名新纂

分防嘉善縣城把總一員馬步兵丁共七十四名快唬船

二隻浙江通志

把總一員駐劄嘉善縣城外委一員分防風涇鎮馬步戰守兵丁六

十五名內守城馬兵四名戰兵五名守兵二十七名

兵丁官給馬四匹中巡船二隻小巡船一隻

守風涇鎮戰兵二名守兵七名 張涇滙守兵六名

羅心臺守兵五名 斜塘鎮守兵一十名新纂

分防嘉興汛把總一員馬步兵丁共六十九名快唬船一

隻浙江通志

把總一員駐劄東門外天尊閣外委一員分防新豐鎮馬步戰守兵丁

六十二名內守汛馬兵三名 戰兵五名 守兵三十名

兵丁官給馬三匹 東柵口守兵四名 十八里橋

守兵四名 新豐鎮守兵四名 白馬堰守兵四名

餘賢帶守兵四名 地藏菴守兵四名新纂

分防王江涇汛千總一員馬步兵丁共五十六名快唬船

嘉興府志

卷三十一

武備

三

三隻浙江通志

王江涇轄秀善二縣把總一員駐劄王江涇鎮屬秀水境外委一員

分防天寧莊屬嘉善境馬步戰守兵丁六十名內守汛馬兵一名

戰兵四名 守兵四十名 兵丁官給馬一匹 快唬

船一隻 中巡船一隻 小巡船一隻 金橋守兵五

名 長虹橋守兵五名 天寧莊守兵五名新纂

嘉協營海防 嘉協營副將統轄左右兩營都司千把等

官一十四員兵一千四百五十名除駐守府城分防內

地各汛外其沿海仍設乍浦澈浦二汛浙江通志又案通志嘉興地

處浙西惟平湖海鹽二縣之境東臨大海南澈北乍延袤百七十里相望寧紹諸山隱隱列拱白沙梁莊西海

口秦駐山黃道港諸處皆為郡境之衝而乍浦一關尤稱緊要控據海岸翼蔽金山羊許大洋實與江省相為唇齒云

乍浦所海防陸營 乍浦所城右營守備防守駐兵一百

五十三名快唬船二隻

浙江通志

順治十三年移嘉協右營

守備一員駐防乍浦隸遊擊

浙江通志康熙五十年改遊擊為副將

馬步

兵九百名康熙五年調兵八十五名赴太湖營八年為

會閱沿海等事題定乍浦目兵三百三十五名分防沿

海臺寨二十一處九年裁兵九十名本營實存馬步兵

七百二十五名內隨防乍浦一百八十三名

袁志參平湖朱志

五十七年撤調斜塘汛千總一員兵三十名兵歸乍浦

嘉興府志

卷三十一

武備

三

防西山嘴砲臺未幾設水師千總及兵防仍撤去又陸

續撥兵歸郡現在乍浦存兵一百五十三名

乍浦志

內養

廉八名公糧五名乾隆四十七年奉文裁改公廉現在

守備駐防乍浦帶兵一百四十名內馬兵九名戰兵四

十八名守兵八十三名馬九匹快唬船一隻

平湖王志

澈浦所海防陸營 澈浦所城兩營撥把總輪防駐兵一

百名快唬船一隻

浙江通志

海防左營千總一員駐防海鹽

汛外委把總駐劄白馬廟俱屬兵備道標下雍正十一

年題設經營海塘南自澈浦汛交界湯家舖起北至平

湖縣交界行素庵止共三十九里額設兵丁八十一名

外委一員馬兵二名戰兵十名守兵六十八名字識二

名海防左營澈浦汛把總一員雍正十一年題設專管

海塘 海鹽續圖經

乍浦水師營

隸提督管轄

雍正二年設乍浦水師營遊擊一

員守備一員千總一員把總二員兵五百名官馬一十

六匹營房五百間戰船一十隻內水艍船二隻

每船配兵六十

名南艍船四隻

每船配兵三十二名

哨船四隻

每船配兵二十名

分配紅

衣砲八位百子砲四十位劈山砲二位分防乍浦口址

按期酌配官兵編定專汛隨艍扼守跟艍更番出洋巡

哨

參將守備在洋扼守千把總在洋崗汛外委目兵在洋跟艍俱兩月一輪

五年添設外委

千總一員外委把總二員七年題准嘉協右營守備屬

乍浦營遊擊就近兼轄仍聽嘉協節制九年改遊擊為

參將不受副將節制

雍正二年兵部議覆福浙總督覺羅滿保疏稱嘉興所屬之乍浦與

江南洋面交界最為緊要臣擬於乍浦營設兵五百名撥定海鎮標船十隻以副巡防此應設兵五百名於水

陸各營內酌量改撥浙省瑞安營原設馬兵九十八名鎮海營原設馬兵一百二十六名今既設為水師無庸

安置馬兵查馬兵月餉二兩馬乾一兩共三兩戰兵月

餉一兩五錢是馬兵一名每月餉乾可募補戰兵二名

請將瑞安鎮海二營馬兵二百二十四名改為水戰兵

四百四十八名除歸還瑞安鎮海原額二百二十四名

外其餘二百二十四名撥歸乍浦營令其招募配防止

須加給月米毋庸另添兵餉再乍浦營所轄水汛原屬

定鎮右營水汛今既設乍浦營毋庸定鎮右營巡防乍浦應於定鎮右營撥水守兵一百名連人調赴乍浦巡防再於浙省陸路各營內撫標二營提標五營象協二營寧海二營太平一營共十二營每營抽守兵十名大

荆營抽守兵五十六名共抽守兵一百七十六名各原
營遇有逃亡事故裁缺不補歸於乍浦營招募巡防合
之乍浦營設水戰兵二百二十四名水手兵二百七十
六名以足五百名之數等語應如該督所請准其改設
抽撥可也奉 旨依議 七年怡親王等會同兵
部議覆浙江總督李衛條奏水陸營制事宜一摺內一
款奏稱乍浦當江浙之衝為海洋要口向有嘉協右營
守備駐劄分防陸汛而水師洋面則定海鎮右營汛地
相隔遙遠巡防不及雍正二年添設水師營遊擊誠屬
因地制宜但一城之中水陸兩營不相統屬呼應不靈
以嘉協右營原防之西山嘴砲臺天妃宮汛地改歸乍
浦水師營撥千總一員輪防陸路弁兵撤回另行派防
將嘉協右營守備並聽乍浦遊擊管轄乍浦遊擊聽嘉
協副將節制使彼此聯屬不致號令兩岐惟選拔員弁
水陸技藝不同仍照舊例自行起送等語查乍浦原係
嘉協所屬向派嘉協右營守備分防西山嘴砲臺天妃
宮陸汛其水汛洋面俱係定鎮右營將備輪流配船巡
哨嗣經乍浦添設水師遊擊將水汛責之乍浦遊擊陸
汛令嘉協右營守備管轄水陸將備原不相統屬今該
督請將嘉協右營守備原防陸汛改歸乍浦營撥派千

嘉興府志

卷三十一 武備

三

把總輪防該守備並聽遊擊管轄遊擊聽嘉協副將節
制彼此聯屬交相控制似屬得宜應如該督所請准其
改撥管轄奉 旨依議 九年兵部為請定武職
陞選等事議得浙江總督李衛疏稱浙江參將尚任水
師者止有鎮海一缺而水師遊擊則有十員查乍浦界
連江浙逼近洋面從前設兵僅五百名是以止用遊擊
管轄今滿營水師舵水四百名俱係綠旗兵丁現屬乍
浦遊擊管束操練兵數已多似應將乍浦水師遊擊改
為水師參將其陸路在乍之備弁兵丁并本城內外地
方仍聽其兼轄遊擊既改參將毋庸聽嘉協副將節制
等因應如所請准其改設應給傳 旨 敕關 增馬二
防行文禮部鑄造換給可也奉 旨依議

匹乾隆十九年總督喀爾吉善奏移海寧兵備道標下

守備一員千總一員把總二員外委四員塘兵一百名

隸乍浦水師營添建營房一百間營分左右以舊守備

領左營新守備領右營兩營勻派各三百名

浙江通志 參乍浦志

三十三年裁水艍船一隻平湖張志三十五年參將王作賓

因水陸汛務不同詳請裁去兼轄字樣專管水師四十

七年裁改養廉公糧兵一百三名現在實兵四百九十

七名內水戰兵一百七十三名水守兵三百二十四名

平湖王志

乍浦所陸汛 其烽墩臺寨自西徂東則有惹山礮臺陸營

所轄撥 乍關鎖鑰水師所轄天后宮礮臺水師所轄設

兵十名 兵二十四名在苦竹 西山嘴礮臺水師所轄撥兵二十

山麓安設大砲四位 員前鋒校及前鋒等二十名輪守臺高

一丈七尺週八丈五尺安設大砲四位 湯山寨觀山寨

陸營所轄各 唐家灣寨水陸各撥兵三 陳山寨常山寨

撥兵三名 陸營所轄各 金家灣寨陸營所轄 東山嘴寨暈

高公寨陸營所轄 撥兵三名 頂山寨蒲山寨澈浦寨珠冠寨

山寨陸營所轄 獨山寨砲臺平湖城守所 茅竹寨平湖

城守所轄 蔡岐港寨水陸各撥兵三名 稽查船隻 乍

撥兵五名 見前 分防

平湖王志前明沿海烽墩山寨合梁莊城凡二十座

國朝裁去者七日獨樹西寨獨樹東寨蒲山大寨東山

寨聖妃宮寨周涇寨西山口寨添設者八日乍關鎖鑰

天妃宮砲臺西山嘴砲臺暈頂山寨湯山寨常山寨蔡

岐港寨珠冠寨共二十一處西 起海鹽縣界東至金山縣界止

乍浦所水汛 其海汛則有大羊山小羊山大小羊山相倚中隔一港

北有聖灘山許山屬乍浦管灘山在羊山之西至許山
姑明礁灘山許山六十里距彩旗門一百六十里許山
西北距黃盤洋魚腥腦南屬定標北屬乍浦營在羊山
一百五十里
旗門三黃盤四嶼山東南屬定標西北屬乍浦野黃盤
百里屬乍浦營距金山五十里在金山與江南交界西北
山屬乍浦營距金山五十里在金山屬乍浦營距彩旗
四嶼山東北案以上外洋金山屬乍浦營距彩旗
門九十菜薺門乍浦境即彩旗門距乍浦
五里並激浦境與嘉協左營交界白塔山在彩旗門西巫
山子東巫子山距乍浦五十里在舜山東北白塔西南
舜山南屬鎮海營西屬錢塘水師營東笏杯山逼近塗
泊船隻在餘姚縣境距彩旗門三百四十里西霍山七
東北至舜山六十里乍浦志參平湖王志
姊妹山並鎮海營界北屬乍浦營
乍浦志凡乍浦海口一帶塘以上屬嘉協右營管轄塘
以下海面屬乍浦水師營管轄官兵船隻兩月一輪更

嘉興府志

卷三十一

武備

三

換出洋滿洲不與焉

乍浦滿洲水師營

順治十七年所廢仍設巡司及守備

雍正二年增設水師營遊擊駐防七年又移杭州副都

統及滿兵駐此

大清一統志

雍正六年移杭州滿洲副都統

一員駐劄乍浦領左右兩營設協領五員

內滿洲四員

佐領一十一員

內滿洲八員

防禦八員

內滿洲六員

騎校一十六員

內滿洲十二員

理事同知一員筆帖式二

員甲兵一千六百名

杭州將軍鄂爾達浙江總督李衛

駐為左營八旗江寧滿營內派出官兵移
旗左右兩營經制兵丁額數共一千六百名為十六旗
每旗原額領催六名甲兵九十四名領催共九十六名
甲兵共一千五百零四名八旗旗色係鑲黃正黃正白

正紅鑲白鑲紅正藍鑲藍左右兩營同共為十六旗旗
左營鑲黃鑲白正藍三旗為左翼正黃鑲紅鑲藍三旗
為右翼右營正白鑲白正藍三旗為左翼正黃正紅鑲
藍三旗為右翼左營正白正紅右營鑲黃鑲紅四旗為
蒙古翼每翼協領一員五翼共五員每旗佐領一員十
六旗共十六員內五翼協領各兼一缺佐領正缺十一
員每二旗防禦一員共八員每旗驍官馬一百三十五
騎校一員共十六員官共四十員

匹甲兵馬三百匹給營房三千二百間堆子房一十六

所杭州兵駐左營江寧兵駐右營教習舵水綠旗兵四

百名內定海鎮抽兵一百五十四名黃巖鎮抽兵六十
六名溫州鎮抽兵五十名瑞安營抽兵二十八名

鎮海營抽兵四十二名乍浦營抽兵六十名撥歸滿營教習營房四百間置戰船二

十二隻分編寧謚字號內大趕艚船九隻小趕艚船九隻南艚

船四隻分配大砲一百一十位於西山嘴海洋操演平

嘉興府志

卷三十一

武備

三

時收泊海口開水陸門設堆子房六所佐領等派兵值

宿掌管鑰兼轄西山嘴砲臺而洋汛會哨皆不與八年

立演武場於東門內詳建置十一年添設弓匠十六名箭

匠十六名鐵匠十六名杭州將軍阿里衮乍浦副都統
傅森會同奏准每旗添設弓匠

一名鐵匠二名共四十八名嗣於雍正十二年八月奉
准兵部行令三十二名鐵匠內將十六名改為箭匠每

旗弓鐵箭匠各一乾隆十五年乍浦副都統額爾登題

裁南艚船四隻二十年裁甲兵馬二百五十四匹二十五

年又裁大趕艚船四隻小趕艚船四隻其綠旗教習四

百名雍正九年添設外委千總一員外委把總二員歸

參將管轄乾隆十一年巡撫常安題准酌二百名其餘

俟有缺出即將滿洲餘丁挑補部議止畱六十名十二年將軍薩爾岱以不敷戰船之用題畱一百一十五名

十五年副都統額爾登又題畱二名浙江通志三十六年准部咨水手四百名裁汰一百五十名額畱捕盜正

副舵工繚旋斗手二百五十名平湖張志四月鎮守杭州等處將

軍鄂彌達等題浙省沿海之地惟嘉興府屬平湖縣之乍浦地方係江浙接壤東與江南松江之提臣海道遙

遠南隔寧波提臣海道四百餘里此地間於二處之中與省城海口之鼉子門甚近臣等相度地勢情形雖內

港不甚寬廣然此地實為江浙兩省海道咽喉通達外洋諸國最關緊要且離杭州止二百八十里水陸俱

通往來甚便省城駐防滿兵聲勢聯絡首尾照應該處駐劄滿洲水師官兵實有裨益至乍浦城週圍九里三

分距平湖縣僅三十里城垣新經修理堅固城內有民間菜園稻地可買甚是寬濶且尚有零碎官基堪以奏

嘉興府志 卷三十一 武備

嘉興府志

卷三十一

武備

建衙署營房民情無不樂從查康熙五十八年駐杭滿洲蒙古兵內奉調往雲南進藏時杭州添補滿洲蒙古兵一千名曾准部咨遇有事故缺出汰除不補等因在案今尚存未汰兵四百八十八名將滿洲蒙古八旗另戶通數兵丁內挑選少年精壯者四百八十八名再將滿洲蒙古八旗另戶壯丁內少年精壯者挑選三百二十名合為八百名之數俟乍浦地方營房建造完竣之日先令帶領前往學習水師之事水師營額兵內事故缺出若無隨帶子弟頂補將杭州閒散壯丁挑選少年精壯者頂補杭州額兵事故缺出即將杭州壯丁選補如杭州乍浦兩處兵內或有老病退甲伊等父子願就養膳俱聽就養其新設立水師營應添設官員兵丁或於江南調撥來浙之處臣等管見杭州已派兵八百名作為一營抑或京城江南調撥八百名來浙共一千六百名分為兩營演習時一營存城看守一營帶領操演輸流習學始能熟練至奉諭旨設立二千名其所少四百名之數臣等查得乍浦綠旗水師兵五百名係雍正二年於請更閩浙等事案內部議特行添設自乍浦海口以及大小羊山令其永遠巡防該營海汛與提標右營分界直至江南洋面在營兵丁各有哨巡海洋把

守汛地墩臺城寨之責難以移動其浙省沿海水師各
營兵丁每年配船出海者水性船務自必諳練若全於
一處抽調恐誤彼處洋汛巡防請於各營內按兵數多
寡均勻派定挑選四百名改爲新設滿洲水師營之捕
盜頭舵繚手阿版舢舨旋手水手等項之用其合二千
名之數其各營兵額仍令募充補足於沿海巡防仍可
無悞此外如有尙不敷用者暫著地方官另行僱募照
例給與工食俟滿洲水師熟練之後將僱募之捕盜等
仍行發回以節錢糧其乍浦水師營弁遇非哨巡在洋
之時即可令其幫同旗員教習滿兵水務庶省隔汛另
調之煩其杭州選撥水師共八百名共議編爲八個佐
領內滿洲每旗七十五名共六百名編爲六個佐領設
協領二員卽著仍兼管佐領只須添設佐領四員防禦
三員驍騎校六員每佐領下小撥什庫六名蒙古每旗
二十五名共二百名編爲兩個佐領添設蒙古佐領二
員防禦一員驍騎校二員每佐領下小撥什庫六名或
京城或江南挑撥官員兵丁亦照依杭州先行派定之
數其官員俸餉米石并撥什庫錢糧俱照天津水師營
之例支給每兵每月給錢糧一兩五錢米三倉斗官兵
俸餉米石卽於嘉興府屬之解司錢糧米石內就近撥

解乍浦城按月支給至於官兵房屋應照天津水師官
兵之例給副都統房二十間協領房一十五間佐領房
一十二間防禦房八間驍騎校房六間筆帖式房三間
兵丁房二間所有水師營船隻照天津水師兵配駕之
例大號趕船每船應用捕盜一名舵工二名繚手一
名旋手二名阿版二名舢舨二名水手二十名小號趕
船每船應用捕盜一名舵工二名繚手一名旋手二
名阿版二名舢舨二名水手一十二名查天津水師營
大號趕船每隻堪容八十餘人小號趕船每隻堪容五
十餘人每船需大砲五位小砲酌量配用海內水勢深
淺風勢大小不一若兼造大小二號趕船每隻不拘風
勢大小水之深淺俱可撐駕其需用大號趕船每隻
小號趕船十隻每船應隨帶小舢舨一隻以足二千
名兵丁之用再查乍浦洋面附近江南之處多係沙塗
更與別處洋面不同若盡用趕船則駕駛不甚便利應
於大小趕船數內各減去一隻改造南舢舨四隻則
洋面可以適用其船隻及船上所需棧木舵架櫓木棕
椗繩繚索等項係屬緊要應行地方官務須悉心料理
堅固其官兵應用器械仿照天津設立俱爲鳥鎗水師
巡防出哨火箭藤牌挑刀等項船上所用旗幟及演習

所用藥彈俱照海洋趕船內配用數目照例交地方官製造給發伏乞 皇上敕部議覆施行奉

依議 旨 三十四年八旗兵丁內裁兵一百名 內裁領將名

糧給膳本營孤寡名為養育兵 平湖王志 乍浦副都

一千六百名內酌配八旗籠統其裁甲一百名遇有事

故缺出陸續沙汰將所裁一百名之甲合五十名之缺

數作為一百名養育兵給與孤寡無倚靠之幼丁以資

養贍等因自文到起至乾隆三十五年八月陸續共沙

汰甲兵一百名內裁領催 滿洲餘丁頂補綠旗共九十

六名改補養育兵一百名 六名三十五年滿洲所頂補九十六名之水手兵內酌

畱五十名其餘四十六名俱着裁汰四十年總督鍾咨

開滿營綠旗水手兵除畱六十名之外餘俱沙汰奉文

後又頂補十二名五十四年挑取食餉閑散一百名 杭州

武備

嘉興府志 卷三十一 三

將軍寶林奏乍浦兵丁孳生衆多生計不無拮据請每

月賞銀一百兩於貧苦閑散內擇其身材好者挑選一

百名每名每月給銀一兩伊等挑拔甲兵後將所得銀

一兩另行挑人給與等因即於乾隆五十四年五月挑

取食餉閑散一百名 現在八旗委署前鋒校一十六名領催七十

四名甲兵委署前鋒一百八十四名甲兵一千二百二

十六名水手兵五十名 十一年至四十四年 養育兵一

百名匠兵四十八名綠旗舵水兵二百名 內捕盜十名

手十名繚手十名斗手十名什 舵工十名

兵十名水手兵一百四十名 食餉閑散一百名 新纂

嘉協右營軍餉 大建月馬兵每名應支兵餉銀一兩九

錢戰兵每名應支銀一兩四錢五分守兵每名應支銀

九錢七分米各三斗馬每匹應支馬乾銀一兩小建月

馬兵每名應支銀一兩八錢三分三釐戰兵每名應支銀一兩四錢守兵每名應支銀九錢三分七釐米各二斗九升馬每匹應支銀九錢六分七釐

案軍糧徵額已詳見食貨賦役門似無庸贅說但乍浦滿營及水陸兩營係國家防海要害之處糧餉尤爲急務故略陳數條於後

乍浦水師營軍餉 大建月戰兵每名應支兵餉銀一兩四錢五分守兵每名應支銀九錢七分教習舵水兵每名應支銀二兩米各三斗小建月戰兵每名應支銀一兩四錢守兵每名應支銀九錢三分七釐教習舵水兵每名應支銀二兩米各二斗九升

滿洲水師營軍餉 大建月前鋒校領催每名應支兵餉

銀三兩甲兵委署前鋒同每名應支銀二兩米折銀各一兩

八錢米各一石水手兵每名應支銀二兩米三斗養育

兵匠兵每名各應支銀一兩米五斗馬每匹春季應支

馬乾銀一兩四錢二分五釐夏季應支銀八錢五分八

釐秋季應支銀八錢四分冬季應支銀一兩三錢九分

五釐小建月前鋒校領催每名應支銀三兩甲兵每名

應支銀二兩米折銀各一兩七錢四分米各九斗六升

六合七勺水手兵每名應支銀二兩米二斗九升養育

兵匠兵每名應支銀一兩米四斗八升三合三勺馬每

匹春季應支銀一兩三錢七分七釐五毫夏季應支銀八錢二分九釐四毫秋季應支銀八錢一分二釐冬季應支銀一兩三錢四分八釐五毫

以上平湖王志

案嘉協右營右哨分防邑汛凡戰守目兵無定額隨時增減軍餉難以核載故略舉各營銀米以詳撤數云

嘉協右營教場 在乍浦南門內守備署東

平湖張志

乍浦水師營教場 凡二一在惹山離乍浦城五里

計二十一

畝二官廳三間圈柵旗臺照牆各一座雍正八年建一

在乍浦南門外雍正二年建

浙江通志 平湖王志水師大教場在龍王塘側其

在南門外者為小教場即舊乍浦所教場乍浦志載周圍二百五十丈廣六十三畝八分嘉靖間署知縣殷廷

蘭置義塚於此雍正間畫一隅為教場餘建營房

嘉興府志 卷三十一 武備

三

滿洲教場 在乍浦東門內

計七十一畝五分四釐六毫五絲

演武廳三

間耳房二間鼓亭二座後房三間旗桿一根照牆一座

雍正八年建

浙江通志參平湖張志

乍浦水師營房 雍正二年原建一百間在乍浦南門外

教場官地一百間在城內兵備道舊署東十年將城內

營房亦改建南門外教場官地又增建三百間共五百

間

浙江通志

乾隆二十年添設一百間在陸家橋及塘口

乍浦

志

滿洲營房 在乍浦城東北隅共三千二百間雍正六年

建乾隆六年十六旗各設堆子房一所

乍浦志

乾隆四十

八年知縣嵩福請帑銀一萬八千六十三兩零修葺二千九十二間重建二十三間及堆子房二十四間四十九年知縣張福敏請帑銀一萬二千六兩零續修一千八十五間

平湖王志

教習舵水綠旗兵營房 四百間在城東南隅雍正七年

建 乍浦志 案嘉協右 營兵營房未奉建設

滿營火藥局 在乍浦西門內乾隆三十一年建確火藥

房在局前 平湖張志

乍浦水師軍器火藥二局 並在北門內舊倉基各六間

雍正八年建又火藥房在南門內城下凡六間 乍浦志 火藥

嘉興府志

卷三十一

武備

三

先在此房確碎 然後運貯局內

陸營礮房 五間在乍浦南門城上乾隆二十一年建貯

大砲四小砲六

軍工廠 在湯山西修造戰船器械處官廳三間耳房四

間後房三間貯料草廠三座炊爨廠一座土地祠三間

工作所九間 以上平湖王志

敵樓 附 嘉靖三十三年倭變巡撫胡宗憲僉事王詢侍

郎趙文華議建知府劉懃 劉志作 宋治 知縣張烈文董其成

于海鹽塘築一座 劉志白 芋堰一 名鎮海於漢魏二塘築二座

劉志會 龍二橋 於秀水杉青閘築三座名下青中青下青天啓

二年知縣湯齊范文若修築

袁志 案明嘉靖中以倭寇猝發築敵樓六座樓址

石臺下通大門內穴牆為廚涵瀾井俱全其上樓三層四面皆磚壘穿墉最上用堞如城總可容兵數百人每里僉取鄉兵一名把守共五百八十一名海鹽石門城外亦置敵樓各二座據險扼要以為外捍至隆慶三年鄉兵以漸裁革兵今存杉青閘一座餘俱廢新纂互見城池

鹽平二縣堡夫改充守兵

附

海防營官兵乾隆十九年

裁改堡夫內海鹽平湖一百一十七名嗣後又改堡夫

為塘兵一十七名至乾隆二十八年督撫奏准鹽平海

塘堡夫一百名一併改復守餉塘兵

新纂 乾隆二十年總督楊廷璋

巡撫熊學鵬奏浙省海防營官兵自乾隆十九年裁後改設堡夫四百名分段修防內海鹽平湖二縣改設堡夫一百一十七名迨至二十四二十六等年兩次奏請復設海防營官兵於鹽平二縣境內分撥把總外委各

一員將該省堡夫改充守餉塘兵一十七名又撥仁寧二汛內塘兵三名共二十名同堡夫一百名分段在塘力作但查鹽平二縣境內石土塘工共長一萬七千六百八十餘丈計程一百一十七里工甚綿長地亦衝要是以初設官兵時設立澈鹽平三汛駐劄千總一員把總二員帶兵二百一十四名責成防守今所設兵堡共一百二十名較前僅止得半本年七月內猝遇風潮潑卸鹽邑境內石塘七百八十六丈二尺內除估修工長七百一十六丈二尺外經兵堡修砌工長七十五丈有零內縣境內土塘及附土工長一千九百八十五丈有零內除估修六百八十四丈外經兵堡挑修一千三百一丈五尺節省經費甚多并因寧邑老鹽倉鑲修柴塘及填築尖山壩上石塊各汛塘兵不敷力役將鹽平二汛內兵堡一併發往幫工是堡夫之在塘力作與仁寧二汛復設之塘兵搶築鑲修理砌等項初無二致再鹽平二縣石塘工程全藉附土高堅以資後靠每遇風潮如附土完固者雖間有潑卸塘石尚覺無多而附土低殘者石塘孤立一經潮衝浪激坍塌倍多臣等于查海寧塘工後俱順途至鹽平二縣見沿海石塘工箴間段甃陷殘缺一線危堤屹立殊少後靠兼之逐日潮浪循石縫

罅隙晝夜抽掣更多坍塌却非隨時填補難期石塘鞏固
 然若概行動項填補工段長而經費不貲帑項何堪糜
 費惟責令在塘兵丁日逐挑填俾塘身得有後靠石工
 庶不致過于坍塌實可省費固工惟是從前裁兵收夫
 因工程平穩祇給工食以資防守今則項日事工作其
 工食銀兩雖與守餉相等而無糧米支領難勉其枵腹
 急工向隅堪憫似應一體改復守餉塘兵使其專力修
 防別無顧慮將通塘附土隨掣隨填則工倍而省費石
 塘得有後靠可期永固金湯查改設塘兵增給糧米事
 關 國家經費臣等何敢率議更張但該二汛堡夫入
 數少而工段綿長且修防本汛之外尚須撥赴仁寧工
 次協幫力作實為繁重與塘兵無分勞逸至所需糧米
 有原裁糧米可以給支毋庸額外加增致滋糜費事屬
 易籌臣等與海防道永德再三商酌應請將鹽平二汛
 堡夫一百名一併改復守餉塘兵每名每月除工食餉
 銀原與守兵均係一兩外祇須加給米三斗俾得資其
 飽騰勤加力作即令澈乍二汛把總外委實力督率于
 搶修工段之外即將前項附土隨時陸續加高培厚一
 律填實不許稍有殘缺在平時既省歲修之費即遇風
 潮亦不致塌卸過多糜帑之患設仁寧二汛有緊要工

程即撥赴協幫修砌于帑項工程實為兩有裨益所有
 堡房作為營房以資棲止毋庸另建至看塘守兵一百
 名應需衣帽弓箭之類容俟奉准改設之日在于收支
 公糧項下動支掣給其現在在堡夫果否均係熟諳修防
 飭令海防道永德確查詳 旨依議

吳文憲浙西官兵議略竊照前朝浙西防海舊制設有
 分守杭嘉湖參將一員專駐海鹽緣我鹽最為重地出
 縣城半里即為萬里大洋羊山陳錢馬蹟諸山相隔一
 湖破浪乘風瞬息可到往往時春秋二汛哨守龍王堂與
 澈乍二浦南北分哨稱為上中下三關焉此地或有失
 事杭嘉湖三府別無要害可守沃壤數百里皆為蹂躪
 之區矣大清開國改參將為遊擊而專駐海鹽蓋以
 此也今聞遊擊移駐嘉興軍國大事草茅何敢輕言但
 係地方極大利害有不得不言者竊惟浙西哨巡先立
 三關今分四哨而四哨惟羊山為重羊山屹立大海東
 聯馬蹟西應許山南望衢洋而北與大小七山相接賊
 知我虛實若由羊山直犯海鹽不惟嘉湖之門戶其禍
 有不可勝言矣此當議者一也嘉興去海鹽八十里今
 若移鎮賊之犯搶在瞬息之近而待救於七八十里之

遠計卽火速赴援亦須窮日方到有不先爲糜爛者乎且不禦之於海岸而短兵相接禦之門庭之內豈計之得乎此當議者二也至於有兵則有安插之處先年借住民房近則借住道院僧房雖復嚴行禁輯畢竟不能無擾合無卽於遊擊駐劄之所儘多空地可以蓋造安插或另於他處建造營房百餘間兵之有家口者一名獨住一間其單身者兩名共住一間無事則熟識於耳目之前而團練甚便有警則呼應於臂指之近而召集不難此一勞永逸之計也有營房則有建造之費今當四盡三空之日必無餘剩錢糧可爲搜括而加派二字又非有司所敢輕言查有修理海塘夫工銀兩似可借支此項原係嘉屬各縣協濟修理海塘之用而派徵於條鞭者也嘉屬共七千兩內本縣六百六十餘兩合無備查順治十一十二兩年現在若干作爲建造營房之費其不足者嘉屬各縣量爲協濟案兩浙海防類考云鹽爲嘉湖之屏障東門外龍王堂實爲至要之處一可捍倭寇之患一可限潮水之災稱爲萬年塘若潰決則一方膏腴盡爲魚鼈失守則兩郡居民咸被荼毒今以修理海塘之銀卽爲建造營房之用不煩別爲措置立得應用完工嘉屬固有不能辭者此亦同舟共濟之義

也毛一駿海防議海防大勢浙西要地專在海鹽澉浦南乍浦北分左右兩翼海賊入犯之處如西海口蔡岐港梁莊獨山白馬廟秦駐山談山黃道關葫蘆山等處南北約二百里防海之要遠哨海外不令入港爲上策循塘拒守不令登岸爲中策若縱令登岸斂兵入城閉門固守受其攻圍則無策矣且查前朝舊制本縣設有福蒼等船一百餘隻水兵三千餘員名遠哨吳淞寧紹羊許等處又設陸兵二千五百餘員名防守沿海地方等處威伸海外烽火潛消數十年太平之民不復知有兵革之苦職是故也今鼎革之交海防盡弛水師船隻無一存者安能遠哨海外止有循塘拒守一法尙得中策然鹽澉乍三處守兵一千二百視昔已減其半合有實此虛彼分則寥寥數人政復有幾連艘入犯之賊多則萬餘人少亦數千餘人安能遂拒其來不令登岸乎且海上列城遠者二三十里近亦十數里獨鹽相去數百十步近在咫尺之內賊若登岸便是到城城卽無恙城外室廬財產玉帛子女之饒盡爲賊有可不爲之寒心哉今若欲慎固封疆便當盡復前朝之舊不得不議增兵不得不議增餉四盡三空之日安得雨金雨粟而酌于不竭之原邪捉襟露肘事實兩難關係錢糧未

敢輕為置喙也如造船一款本縣曠土平夷實無干霄蔽日佳材堪作艤舳之用又係鐵版硬沙造成亦難出水所以三百年來專責浙東而不及浙西者以此似應即為停止不煩覆議者也又築堡一款本縣沿海二百里皆巨浪衝擊處所別無支港入我內地土壩木柵無所用之若烽埃臺寨久已鞠為茂草不行修復則防兵不能露居修則應用何項錢糧事在上臺題請議行非有司所敢擅專者也

前明倭患

附錄

正統八年六月寇海寧乍浦諸處

嘉靖三十二年四月賊攻海鹽縣海寧把總馬呈圖等與

戰死之

初四日賊自太倉上海而來攻縣城二日始解去初六日賊至海寧衛馬呈圖督官兵禦之弗

勝遂與指揮來煉百戶王相姜楫呂鳳姚岑皆歿于行陣既而把總王應麟率兵追逐之與戰于海口巡司大勝之賊以伏兵衝我師我師遂潰千戶王繼隆百戶楊臣康綬亦死焉五月賊破乍浦所

嘉興府志

卷三十一

武備

三

百戶陳綬指揮陳善道死之

賊自金山而來城破綬死之善道從湯克寬率兵來

援與賊戰於長沙灣與冠帶哨旗張儒皆死之

三十三年三月賊首蕭顯流突海鹽官兵追擊大敗之

於二十里亭追至慈谿平之

顯叛結倭夷連踪入寇首犯直隸之上海盤據南沙

劫邑攻城號稱劇寇自松江敗嗣遂率精悍數百遵海而南王公命官兵設伏於要路賊至二十里亭復大敗走九月攻嘉興府官兵追之與戰於孟家堰等處指揮

李元律等死之

孟家堰之戰元律與千戶薛綱宋應瀾死焉既而賊走嘉善叅將張欽等敗之

賊奔百家山百戶趙軒梁瑜戰死賊寇沈家河都指揮周應禎亦死之

十月攻乍浦所

金山而來攻所城弗克乃分掠平湖嘉興等處復回柘林

十一月賊入嘉善縣遂至湖州賊復自柘林而來入縣治又越十二月賊復入嘉

嘉興府而西流劫湖州諸縣

善縣百戶賴榮華死之

賊歸自湖州復入縣治榮華統

是而後賊入縣治凡十有七次無城故也

三十四年破崇德縣

時築城未完賊以小舟潛從南水關入

四月賊攻乍

浦所不克遂至嘉興府巡按御史胡宗憲敗之於王江

涇夏四月劇賊徐海麻葉等探知嘉湖兵調松江搗巢

率眾數千人水陸並進聲言先攻嘉次及杭軍民洵

懼御史胡宗憲方巡浙東台溫諸郡得報連日夜馳詣

嘉興會賊從嘉善東前驅迤邐薄城外眾益懼甚胡曰

兵法攻謀為上角力為下矧又無兵乃密屬吏取酒百

餘甕鑽其顛投以毒劑塞如故載兩船選兵卒機警而

猛者假冠服持赤牘坐上稱解官解酒餉軍載向賊

所從道見賊即禡去冠服走賊信不疑馳報諸酋長諸

酋長得酒大歡相率高會痛飲率多死然賊黨尚眾我

兵寡且惟怯適保靖宣慰彭蓋臣所領土兵數千至乘

銳直前遇伏墮賊計挫於城南石塘灣胡於是親詣其

營宣諭且勞告之曰勝負兵家常事若等無畏顧兵多

無衣與器械乃加賜錢帛牛酒召諸工晝夜繕造器具

懸重賞苗兵感激思奮乃指畫石塘地形曲折設伏夾

擊賊果債敗北走平望平望故別有苗兵營賊不知會

張總督從松江兼程來視師而永順宣慰彭翼南復從

柳湖西出胡公又同督察趙公部署參將盧鏗等勵激

之且躬擐甲胄徑馳馬趨出四面合圍軍聲遂大振賊

大沮還走王江涇遂大潰不支土兵與我軍五月賊犯

乘之斬倭首千餘級墮水死者不可勝數

平湖指揮李希賢敗之賊自柘林出掠至平湖希賢邀

有奇既而賊益眾攻城月餘六月賊從嘉善縣遁去嚴

州府推官劉泉復大敗之

賊既不能取道蘇州乃折而東南從嘉善乍浦以趨舊穴

泉率鄉兵禦之于三店塘復大破之斬首四百六十餘

級焚溺中毒死者復千餘人蓋不藉客兵之援而專督

鄉兵之功也十一月賊登犯海鹽知縣鄭茂指揮徐行健即

日討平之賊自秦駐山登泊茂等率兵撲滅之是戰也

以是日盡殄之則前此未之有也

三十五年三月柘林賊攻乍浦所賊首徐海陳東等自柘林沿海而來欲取

乍浦為巢進攻杭州次及蘇常以至南京兵備副使劉燾疾馳應援與賊相持官兵大勝斬首五十有五賊勢

少挫翌日賊自金山而下者復萬餘遂圍燾于城中日夜攻擊燾督官兵禦之賊不得間九日乃解去由海塘

而西燾尾追之斬首一百三十賊過海鹽四月攻嘉興轉塘灣指揮徐行健禦之眾寡不敵而死

府指揮程祿死之賊回至王店復分為二半由海鹽塘俱往杭州賊覘知之故乘空而至也適程祿所統陸兵

五百至與金丹等水兵夾攻之斬獲頗多賊後至甚眾其陸行者徑趨城下我兵為其所綴賊遂過城下而西

急赴阜林以趨烏鎮祿追之賊預伏民房以待祿遇害時官軍死游擊將軍宗禮與賊徐海戰於崇德三里橋

者千餘人海統賊萬餘流劫烏鎮胡宗憲遣千總錢燦率鹽死之兵百餘人為亡命投入賊中以為內應而檄知

嘉興府志

卷三十一 武備

三

縣張冕剿之賊內外驚擾不得寧居欲仍往杭州至崇德三里橋禮與鎮撫侯槐何衡忠勇官霍貫道率兵九

百禦之三戰三逐北賊死者以百數賊分番死關禮等以孤軍力戰多寡不敵遂皆死之賊攻平湖

縣指揮翟文擊之賊退走指揮劉岱五月浙西賊圍桐鄉縣宗禮兵既敗歿賊益縱肆巡撫阮鶚入壁桐鄉賊

鄉縣就圍之副使劉燾遣指揮朱文王彥忠來援擒斬賊二百六十餘人眾副使劉燾遣指揮王彥忠等敗賊

寡不敵我兵遂却於斜塘賊有復自松江來者屯斜塘風涇王帶等處勢甚滋蔓燾令彥忠等逐之賊大敗復由橫浦東

去八月兵部郎中郭仁副使劉燾搶賊於秦駐山時諜報秦

駐山支嶺之上有羣倭棲之其舟為觸礁所破不能長往仁與燾時駐乍浦即欲遣兵擊之將士皆云窮寇據

險難以仰攻乃計令兵士挾降倭一人往說之詐其官送付徐海其黨五十餘人悉棄兵而來因次第縛之

兵敗賊於乍浦以上節錄籌海重編

附剿寇錄嘉靖三十二年四月倭犯海鹽登陸至平湖境之竹林廟典史喬登率兵壯禦之遇害士卒死者十七人諸生張洽請兵于府太守劉懋募水兵應援寇遂遁去二十一日復寇縣東南境嘉興所千戶曾勇率兵拒却轉至乍浦匿天妃宮把總王應麟設兵圍之賊以神前長旛編帆絞索既備向軍前給曰我等不敢與將軍戰乞退舍俟海潮至各自投水死是為兩全毋作刀下鬼我師輕信而退賊持帆索衝出掠哨船脫去二十三日圍南城千戶黃鏗戰死越數日總兵湯克寬躡賊及之斬首四十餘級賊攻乍浦入城據官廳大選民婦擁而北至平湖署縣司理殷廷蘭戎服登舟督勇夫捍禦居民皆執木為械聲震如雷賊亦駭怖指曰人城也相率引去流匿沈莊會松陽兵至協湯克寬赴剿火其廬擒斬甚眾九月十二日起土築城是日賊船二十餘泊天妃宮殺千戶隊長四人湯克寬會參將盧鏗監兵進攻斬獲二百餘級是歲平湖城成論者謂平湖始築城時卽破賊賊必殲于湖中後果屢敗至三十五年七月二十九日來寇乍浦胡公宗憲運奇設伏合眾齊進大破之斬賊九百餘溺海死者尤眾僅存徐海一支時海已乞降胡擇便地得沈參政宅處之慮其生變日遣

嘉興府志

卷三十一

武備

三

通事三四輩慰藉備至于是海始心安自翦其黨以糞輪罪八月初一日海入平湖城款胡于庭故示強梗率黨數十人盛陳兵器時尙書趙文華視師浙中贖貨目功海以宗憲故來降宗憲謂汝害我百姓當服何罪海俛首伏地有退避狀胡以手摩其頂曰毋便作孽海頓首稱死罪翼日海自沈莊遣使上書自稱降賊且曰願買此宅及田三千畝為送老計永願投降誓不渝盟趙不許海悔黨盡勢孤十九日護送二姬出巢逃遁其黨怨之伺于巢側不得出二十四日軍門督諸路兵進攻海發煩以禦尋令取民家犬數百為羣以當煩擊復遣數人持火入于羣中驅之以入賊但擊前犬不知火已四發矣焚溺三千餘人斬獲者二千海入亂軍為讎黨所殺與海同事者辛五郎等見海不可支道溝渠中諸將追擒戮之倭寇遂平明章士雅兵衛議近接邸報倭夷入犯之警叵測矣惟嘉善壤地東接華亭區區二十餘里自二十里外浙直之交彼此秦越兩不相攝也考松江柘林海口至縣治不過七十里倭夷入犯每泊船于此朝至而夕受災矣聞之耆老嘉靖間倭夷之經行此地殘破焚掠前後十有九次官民縣治蕩然無存則本縣為倭入浙之門戶

至要害也乃地僻府治之東向無衛所不設一兵新築孤城草率卑陋民壯僅三百人半充各邑差役掛名操演俱目不知兵者萬一有警何以禦之承平之世幸可圖安今倭情既已變動豈可復爲處堂之燕雀哉今于直省風涇等鎮地方暫撥所官一員領兵數百住劄演習熟其地形謹其烽埃倘遇警報可當一面以爲外蔽庶倉卒之間不至卽以城予敵俟蕩平之日收回原所事干軍國今當預議詳請定奪

嘉興府志卷三十一

嘉興府志

卷三十一

武備

四

